

# SARS E NKA MOHATO O MOHOLO O LEBISANG HO THEHWENG HA BOLAODI BA LEKGETHO BO BOHLALE BA SEJWALEJWALE

**PRETORIA, Moqebelo wa la 1 Hlakola 2020** - Ditshebeletso tsa Lekgetho tsa Afrika Borwa (SARS) di qadile ka leeto la ponelopele ya bolaodi ba lekgetho moo bohola ba mosebetsi wa bona bo tlang ho tataiswa ke lesedi la data, dikhompyutha tse kgonang ho ithuta, bohlale ba maiketsetso le tshebedisano e matla pakeng tsa batho le disebediswa. Bokgoni ba basebetsi ba SARS bo tla ntlafatswa hore bo tsebe ho sebetsa tlasa boemo bona bo mahlahahlaha bo ntse bo fetofetoha.

Khomeshenara Kieswetter o tobokeditse hore: "Ha re kgone ho iphanya le matla a mokgatlo o nang le bokgoni ba tshebediso ya data le theknoloji mmoho le tshusumetso ya sena mosebetsing wa rona wa kamoso. Le ha ho le jwalo re ka kgona ho itokisetša sena ka hore re qalelle ka ho tšhorisa tšhebedisano e pakeng tsa batho le bohlale ba maiketsetso. Kajeno re nka mohato ka tsebo e tletseng wa ho aha SARS e bohlale ya sejwalejwale eo botshepehi ba yona bo sa belaelweng, e tlang ho hlomphelele le ho tlotlwa ke bohle."

SARS ena ya kamoso e tlameha ho arabela boemo bona ba tikoloho e ntjha ha ka nqa e nngwe e ntse e phethahatsa Maikemisetso a ka Sehlohlolong a mokgatlo a ho thusa Mmuso ho aha mmuso o nang le bokgoni o tlang ho netefatsa thekolohelo ya Maafrikaborwa ohle.

Haesale hoba Khomeshenara Edward Kieswetter a qale ho sebetsa mona SARS ngwahola, kamehla o ntse a toboketsa tlhokeho ya ho ntlafatsa bokgoni ba mokgatlo ho tsa theknoloji mmoho le ho fumana tsebo ho tswa ho data, ho bapa le 'Mohopolo wa SARS ya kamoso'.

Khomeshenara o bile letsholong le batsi la ho nonya basebetsi maikutlo le bileng le seabo hodima maikemisetso a mawala a SARS. Sena se bakile hore ho be le tlhokeho ya ho hira batho kahare le kantle le ho hohela diprofeshenale le bahlanka ba phethahatsa hore ba tle ba thusa SARS ho ba maemong a jwale ho tse mabapi le tswelopele ho tsa data e kgolo mmoho le bohlale ba maiketsetso tikolohong ya lekgetho le ya bolaodi ba meedi.

Maikemisetso a mawala a SARS, hara tse ding, a akaretsa ho fana ka tlhakisetsa le netefaleto boitlamong ba lekgetho, ho nolofaletsa balefalekgetho le bahwebi ho ikobela tefo ya lekgetho, ho fokisa bao ba sa ikobeleng tefo ya lekgetho le ho etsa hore sena se ba thatafalle le ho ba etsa ditjeo tse hodimo. Mokgatlo ona o bile o motjheng wa ho etsa hore mekgwatshebetso ya ona e be ya sejwalejwale hore o tsebe ho fana ka ditshebeletso tsa dijithale le tse hlophilweng hantle le ho tliša tšhepo taolong e mabapi le lekgetho le bolaodi ba meedi.

Ka lebaka la sena, SARS e bapaditše dikgeo tsa mosebetsi ho tsa boetapele ho hohela basebetsi ba nang le talente le ba tletseng tšheseho ho tla tlatsa dikgeo tsa *Chief Data Scientist, Chief Technology Innovation Officer, Chief Financial Officer, Chief Procurement Officer, Director Business Segment: Large & International Taxpayers (formerly Large Business Centre), Director Individual Segment: Wealthy & Complex Taxpayers*, le Baloadi (*Directors*) ba robong ba mabatowa mmoho le sekgeo sa mosebetsi sa *Director: Taxpayer Engagement*, ha re bolela tse mmalwa.

SARS e ikemiseditse ho hodisa le ho ntshetsapele basebetsi ba kahare ka ho thaothela ba bang ba kahare dikgeo tsena, le ha ho le jwalo Khomeshenara o batla ho sebetsa monyetla ona ho ntlafatsa "mohlodi wa boitsebelo" ka boitsebelo bo tla hloka hahala kamoso mmoho le ho fumana ntlhakemo e ntjha.

"Motjha ona wa ho tlatsa dikgeo tsa mosebetsi o tla tiisa boinehelo ba SARS lenanetsamaisong la ho tliša diphetoho la naha ya rona mmoho le ho ntshetsapele tekano le ho tliša phapano mosebetsing," ho rialo Khomeshenara ya SARS.

Kieswetter o tlatseditse ka hore "Ha re a tshwana le ho bua feela ka Diphetoho tse Kgolo tsa Indasteri ya Bone / *Fourth Industrial Revolution*. Tsohle di mahetleng a rona mme re tlameha ho sebetsa habedi ho itshireletsa ka ho theha mokgatlo o bohlale o tlang ho fana ka tšhebeletso ya mantlha lefatsheng molemong wa balefalekgetho ba ikobelang tefo ya lekgetho, ka ho tshwana, e tlang ho fokisa ba sa ikobeleng le ho etsa sena hore se be le dijjeo tse boima le ho ba thatafaletsa.

"Ponelopele ya rona ya 2024, ke ho aha SARS e bohlale ya sejwalejwale eo botshepehi ba yona bo sa belaelweng, e tlang ho tsheptjwa ke mmuso, setjhaba le bomphato ba rona ba matjhabeng, " o phethetse ka ho rialo. Bohle ba nang le thahasello ya ho etsa kopo ya dikgeo tsena tse hodimo tsa mosebetsi ba lokela ho etela *SARS recruitment portal* mona ho [www.sars.gov.za](http://www.sars.gov.za) mme ba tobetsa [Careers](#) e ka tlase ka ho le letshehadi leqepheng la sehlooho. Mme ebe ba tobetsa [Join Us](#).